

40. ԱՄՅԱ ԵՐԿՐԱԲԱՆԱԿԱՆ ԹԱՆԳԱՐԱՆԻ ԲԱՑՈՒՄԸ
ԲԱԶԱՐԱՆԻ ՊՂԻՆԶ-ՄՈԼԻԲԴԵՆԱՅԻՆ ԿՈՄԲԻՆԱՏՈՒՄ

1956 թ. երբ Քաջարանում կազմակերպվեց և ստեղծվեց գիտա-հետազոտական բազան, որի անխոնջ ու նվիրյալ ղեկավարը հանդիսացավ Կոնստանտին Քարամյանը իր խանդավառ գործընկերների հետ մասունք առ մասունք սկսեցին հավաքել երկրաբանական անկրկնելի նմուշներ, որոնք աստիճանաբար հարստացվում էին ընդգրկելով ողջ Զանգեզուրի հանքային շրջանի երևակումները ու հանքավայրերը:

Երկրաբանական ինստիտուտի տնօրեն պ.-ն Լ. Զրբաշյանի, կոմբինատի տնօրեն պ.-ն Լ. Նավասարդյանի և ինստիտուտի աշխատակիցներ՝ Բ. Տալանի, Մ. Հարությունյանի, Ա. Ավագյանի և Ս. Սարգսյանի միացյալ ուժերով այդ թանգարանի նմուշները դասակարգվեցին հանքավայր առ հանքավայր, ցուցասրահի պատերը զարդարվեցին մեր անվանի գիտնականների լուսանկարներով, երկրաբանական քարտեզներով, ուրվագծերով և աղյուսակներով: Թանգարանում ներկայացված են հետևյալ հանքավայրերի նրմուշները. Քաջարան, Դաստակերտ, Լեզարակ, Ղափան, Մեղրասար, Մարջան, Տերտերասար, Լեյգեձոր, Քեֆաշեն, Թեյ-Լիճքվաղ և արտերկրյա մոլիբդենային մի շարք հանքավայրեր: Ցուցասրահում նաև ներկայացված է Քաջարանի պղինձ-մոլիբդենային հանքավայրի վերին հորիզոնների երկրաբանական մակետը: Լյս թանգարանի բացումը տեղի ունեցավ 1995 թ. նոյեմբերի 16-ին և ղուգաղիպեց Երկրաբանական գիտությունների ինստիտուտի 60-ամյակին:

Ցանկացած այցելու կարող է լրիվ պատկերացում ունենալ դիտելով ցուցադրված նմուշները Զանգեզուրի հանքային շրջանի ցանկացած հանքավայրերի մասին:

Սա իրօք մի նվեր է մեր հայ երկրաբանական հասարակությանը և ինչու միայն հայ, այլ նաև օտարերկրացիների և մեր վաղվա սերնդի համար:

Երկրաբանական գիտությունների
ինստիտուտ, ՀՀ ԳԱԱ